

卷十四

書名 春秋左傳註疏六十卷
 撰者 晉 杜預 注, 唐 陸德明 音義, 唐 孔穎達 疏
 卷 卷十四
 內容分類 經 春秋- 春秋左傳 唐
 索書號 經部- 彙刻- 1
 編號 A 297500

[彩色首頁1](#)

[東洋文化研究所漢籍目錄 編號: A 297500](#)

[東洋文化研究所漢籍目錄所藏漢籍善本文影像資料庫 索書號: 經部- 彙刻- 1](#)

[漢籍善本文影像資料庫文本春秋左傳註疏六十卷](#)

版權所有: [東京大學](#) [東洋文化研究所](#)

[使用上的注意事項](#)

春秋左傳註疏卷第一

晉杜氏註

唐孔穎達疏

春秋序


○陸曰此元凱所作既以釋經故依例音

釋例序之本或題為春秋左傳序者沈文何以爲
 今不用疏正義曰此序題目文多不同或云春
 集解序或云春秋左氏傳序按晉宋古本及今
 定本並云春秋左氏傳序今依用之南人多云
 此本釋例序後人移之於此且有題曰春秋釋
 例序置之釋例之端今所不用晉太尉劉寔與
 杜同時人也宋大學博士賀道養去杜亦近俱
 爲此序作註題並不言釋例序明非釋例序也
 又晉宋古本序在集解之端徐邈以晉世言五
 經音訓爲此序作音且此序稱分年相附隨而

所究研京東院學化文方東

No. 2390

1 2 3 4 5 6 7 8 9 10 1 2 3 4 5 6 7 8 9 10



春秋左傳註疏卷第十四

僖十五年盡二十一年

晉杜氏註

唐孔穎達疏

經十有五年春王正月公如齊註無傳諸侯五年再相

朝禮也例在文十五年疏諸侯至五年，正義曰

禮也諸侯五年再相朝以修王命古之制也杜云十

年曹伯來朝雖至此乃來亦五年也此十年公如

齊至此則六年非五年再朝之事杜引之者以去朝

歲亦五年故引證之劉炫云杜云禮者謂文十五年

楚人伐徐

三月公會齊侯宋公陳侯衛侯鄭伯許男曹伯盟于牡

丘

牡丘地名闕

○牡茂后反

遂次于匡

匡

匡衛地在陳

留長垣縣西南公孫敖帥師及諸侯之大夫救徐

公孫敖慶父之子諸侯既盟次匡皆遣大夫將兵救

徐故不復具列國別也

○復扶又反

夏五月日有食之

秋七月齊師曹師伐厲

厲楚與國義陽隨縣北有厲

鄉

八月螽

無傳為災

○螽音終本亦作蝻



九月公至自會

無傳

季姬歸于郟

郟

無傳來寧不書此書者以明中絕

○中丁仲

反又如字

己卯晦震夷伯之廟

夷伯魯大夫展氏之祖父夷諡伯字震者雷電擊之大夫既卒書字

○晦音悔

至書字

○正義曰公羊穀梁傳皆以晦為冥謂晝日闇冥也杜以長歷推己卯晦九月三十日春秋值朔書朔值

晦書晦無義例也傳稱於是展氏有隱慝焉知此夷伯展氏之祖父也大夫之諡多連字稱之不知夷伯

其名為何又不以今之展氏其人是誰故漫言祖父耳諡法安人好靜曰夷是夷為諡也伯是其字也說

文云震霹靂振物者雷陰陽激曜也然則震是霹靂而言雷電擊之者霹靂有聲有光雷電之大者耳故

言雷電以明之玉藻云士於君所言大夫沒矣則稱諡若字是大夫既沒禮書其字也

冬宋人伐曹楚人敗徐于婁林婁林徐地下邳僮縣

東南有婁亭。婁力侯反。邳滿悲反。

十有一月壬戌晉侯及秦伯戰于韓獲晉侯例得大

夫曰獲晉侯背施無親懷諫違卜故貶絕下從眾臣

之例而不言以歸不書敗績晉師不大崩○懷皮通反

例得至大崩。正義曰諸侯與大夫因戰而被殺者昭二十三年傳例君死曰滅大夫死曰獲其被囚

虜者大夫生死同名皆稱為獲國君生獲則曰以歸蔡侯獻舞沈子嘉胡子豹之類皆是也今此晉侯生

獲故解之不書敗績晉侯之車還濶而被執耳其師不大崩也



傳十五年春楚人伐徐徐即諸夏故也三月盟于牡

丘尋葵丘之盟且救徐也葵丘盟在九年。夏戶雅反下

註同孟穆伯帥師及諸侯之師救徐諸侯次于匡以待

之○夏五月日有食之不書朔與日官失之也夏五月

月至失之。正義曰桓十七年已有例此重發者。沈氏云彼直不書日今朔日皆不書故重發之。

秋伐厲以救徐也晉侯之入也秦穆姬屬賈君焉

晉侯入在九年穆姬申生姊秦穆夫人賈君晉獻

公次妃賈女也屬音燭。晉侯至女也。正義曰莊

賈無子烝於齊姜生秦穆夫人及太子申生先言穆姬後言申生知是申生姊也言娶于賈則是正妃杜

言次妃者蓋於別有所見也晉世家云申生母齊桓女也同母女弟為秦穆夫人夷吾母重耳母女弟也按傳申生之母本是武公之妾武公末年齊桓始立不得為齊桓女也號射惠公之舅狐偃文公之舅二母不得為姊妹也且曰盡納羣公子羣公子晉武皆馬遷之妄也

獻之族宣三年傳曰驪姬之亂詛無畜羣公子莊據


反晉侯烝于賈君又不納羣公子是以穆姬怨之晉

侯許賂中大夫中大夫國內執政里平等承反

中大夫至平等正義曰晉語稱夷吾謂秦公子繫曰中大夫里克與我矣吾命之以汾陽之田百萬平鄭與我矣吾命之以負蔡之田七十萬此外猶應更有賂也

既而皆背之賂秦

伯以河外列城五東盡虢畧南及華山內及解梁城



既而不與河外河南也東盡虢畧從河南而東盡

虢界也解梁城今河東解縣也華山在弘農華陰縣

西南及下註同自龍門而南至華陰而東晉在

西河之東南河之北以河非為內河南為外虢畧虢

之境界也獻公滅虢而有之今許以賂秦列城五者

自華山而東盡虢之東界其間有五城也傳稱許君

焦瑕蓋是其二其餘三城不可知也列城猶列國言

其城之大者解梁城則在河晉饑秦輸之粟在十

非非此河外五城之數也非非此河外五城之數也

三年秦饑晉閉之糴在十四年故秦伯伐晉卜徒

義曰徒父以卜冠名知是掌龜卜者卜人當占而今
 用筮知其本非所掌不能通三易之占其卦遇蠱不
 引易文是據其所見雜占而言之劉炫云案成十六
 年筮卦遇復云南國蹇射其元王中厥目亦是雜占
 則筮法亦用雜占不必皆取易辭而云不能通三易
 之占者今刪定以為此云涉河侯車敗又云千乘二
 去獲其雄狐了無周易片意又云卜徒父筮之是卜
 人掌筮故杜云不能通三易而成十六年非卜人為
 筮且南國蹇雖非易辭還是周易之象不
 與此同劉君以彼難此而規杜過非也

涉河侯車
敗詰之 秦伯之軍涉河則晉侯車敗也秦伯不解

謂敗在已故詰之○詰起吉反 秦伯至詰之○正義

三去謂晉侯之乘車三度敗壞而去三去之後而獲
 晉君也劉炫以為侯者五等總各國君大號以涉河
 侯車敗為秦伯車敗又云韓戰之前秦晉未有交兵
 何得言晉侯車有三敗以為秦伯車三敗也今刪定



知不然者以秦是伯爵晉實是侯爵既云侯車敗故
 知是晉侯車敗秦伯乍聞車敗謂敗在已不達其旨
 故致詰問也又以韓戰之前秦晉未有交兵何得言
 晉侯車有三敗者此謂車有敗壞非兵敗也劉君數
 生異見以對曰乃大吉也三敗必獲晉君其卦遇蠱
 規杜非也

三三 巽下艮上蠱○蠱音古 巽下艮上蠱○正義
 曰艮剛巽柔剛上而柔

下巽順艮止既順而止無所爭競可
 以有事故曰蠱序卦曰蠱者事也

去之餘獲其雄狐夫狐蠱必其君也 於周易利涉

大川往有事也亦秦勝晉之卦也今此所言蓋卜筮

書雜辭以狐蠱為君其義欲以喻晉惠公其象未聞

○乘繩證反去起居反又 於周至未聞○正義
 起據反一音起呂反下同 曰筮者若取周易則其

事可推此不引易意不可知故杜舍此傳文而以周易言之蠱卦彖云利涉大川往有事也秦晉隔河往而有事亦有秦勝晉之卦也今此所言不出於易蓋卜筮之書別有雜辭此雜辭不出周易無可據而推求故云其

蠱之貞風也其悔山也
內卦為貞外卦象未聞

為悔巽為風秦象艮為山晉象
內卦至晉象。正義曰筮之畫卦

從下而始故以下為內上為外此言貞風悔山知內為貞外為悔洪範論筮云曰貞曰悔是筮之二體有貞悔之名也貞正也筮者先為下體而以上卦重之是內為正也乾之上九稱亢龍有悔從下而上物極則悔是外為悔也凡筮者先為其內後為其外內卦為己身外卦為他人故巽為秦象艮為晉象

云秋矣我落其實而取其材所以克也
則九月夏

之七月孟秋也艮為山山有木今歲已秋風吹落山



木之實則材為人所取實落材亡不敗何待三敗及

韓
晉侯車三壞
說
晉侯車三壞。正義曰謂晉

謂晉侯親乘之車也杜言晉侯車壞者成上侯車敗之文故也且晉之車總屬晉侯亦得云晉侯車也劉炫云此一句是史家序事充卜人之語言

秦伯之車三經敗壞乃至於韓而晉始懼

晉侯謂慶

鄭曰寇深矣若之何對曰君實深之可若何公曰不

孫卜右慶鄭吉弗使
惡其不孫不以為車右此夷

吾之多忌
孫音遜註同惡烏路反
步揚御戎家僕徒為右
步揚御擊之父乘小駟鄭入也
鄭所獻馬名小駟

音慶鄭曰古者大事必乘其產生其水土而知其人

心安其教訓而服習其道唯所納之無不如志今乘
 異產以從戎事及懼而變將與人易變變化人意亂
 氣狡憤陰血周作張脉債與外彊中乾變狡戾也債

動也氣狡憤於外則血脉必周身而作隨氣張動外

雖有彊形而內實乾竭○狡古卯反債扶粉反張中亮反註同脉音麥憤方問反

○亂氣至中乾○正義曰言馬之亂氣狡戾而憤滿

陰血偏身而動作張脉動起外雖有彊形內實乾竭外為陽內為陰血在膚內故稱陰血既動作脉必張起故言張脉也氣憤於外內必乾燥內血為力

故內潤則彊內乾則弱言乾竭者竭盡也內乾則力盡進退不可周旋不能君

必悔之弗聽九月晉侯逆秦師使韓簡視師韓簡



晉大夫韓萬之孫復曰師少於我鬪士倍我公曰何

故對曰出因其資謂奔采求秦入用其寵為秦

所納饑食其粟三施而無報是以來也今又擊之我

怠秦奮倍猶未也公曰一夫不可狃况國乎狃怙

也言辟秦則使怙來○施式氏反年未註同狃女九反怙時世反又時設反遂

使請戰曰寡人不佞能合其眾而不能離也君若不

還無所逃命秦伯使公孫枝對曰君之未入寡人懼

之入而未定列猶吾憂也列位也苟列定矣敢不

承命韓簡退曰吾幸而得囚得囚謂幸言必敗壬

成戰于韓原

九月十三日。正義曰以經書十一月

壬戌恐與經壬戌相亂故顯言之

下註云十一月壬戌十四日是也

晉戎馬還澮而止

澮泥也還便旋也小駟不調故隋泥中

公號慶鄭慶鄭曰復諫違卜

復戾也

號戶刀反王戶報

反固敗是求又何逃焉遂去之梁由靡御韓簡號射

為右輅秦伯將止之

輅迎也止獲也

輅五鄭以

救公誤之遂失秦伯秦獲晉侯以歸

經書十一月

壬戌十四日經從赴晉大夫反首拔舍從之

亂頭髮下垂也拔草舍止壞形毀服

拔滿末反註皆同



使辭焉曰二三子何其感也寡人之從君而西也亦

晉之妖夢是踐豈敢以至

狐突不寐而與神言故

謂之妖夢申生言帝許罰有罪今將晉君而西以厭

息此語踐厭也

厭於冉反一音於甲反又於輒反下同

晉大夫三拜稽

首曰君履后土而戴皇天皇后土實聞君之言羣

臣敢在下風穆姬聞晉侯將至以天子幣弘與女簡

璧登臺而履薪焉

營康公名弘其母弟也簡璧營

弘姊妹古之宮閉者皆居之臺以抗絕之穆姬欲自

罪故登臺而荐之以薪左右上下者皆履柴乃得通

○營於耕反履如字徐本作履九具通○正義曰
 反抗苦浪反荐在薦反上時掌反
 文十八年秦伯營卒即此康公也營弘連文即言與
 女簡璧知弘是營弟簡璧是其姊妹也劉向列女傳
 說此事云與太子營公子弘與女簡璧亦以簡璧為
 女也此言登臺履薪是自囚之事哀八年傳稱邾子
 又無道吳子囚諸樓臺柝之以棘以此二文知古之
 宮閉者皆居之於臺以抗絕之俗本作履者履是在
 足之服故踐者亦稱履是以誤焉定本作履薪
 使以免服衰經逆且告免
 衰經遭喪之服令行人服此服迎秦伯且告將以恥
 辱自殺免音問又作纜音同衰七雷
 義曰初死則有免服成則衰經皆為遭喪之服傳文
 於此或有曰上天降災使我兩君相見不以玉帛而
 以與戎若晉君朝以入則婢子夕以死夕以入則朝
 以死唯君裁之左傳本無此言後人妄增之耳何以



知其然二十二年傳曰寡君之使婢子侍執中櫛杜
 云婢子婦人之卑稱若此有婢子不當舍此而往彼
 也又此註云且告夫人將以恥辱自殺若有此辭不
 煩彼註服虔解誼其文甚煩傳本若有此文服虔必
 應多解何由四十餘字不解一言亦至二十
 二年始解婢子明是本無之也今定本亦無
 降災使我兩君匪以玉帛相見而以興戎若晉君朝
 以入則婢子夕以死夕以入則朝以死唯君裁之乃
 舍諸靈臺在京兆鄠縣周之故臺亦所以杜絕令
 不得通外內自曰上天降災此凡四十七字檢古本
 皆無晁杜註亦不得有是後人加也音戶大夫請
 以入公曰獲晉侯以厚歸也既而喪歸焉用之若

將晉侯入則夫人或自殺○焉於大夫其何有焉謂反首拔舍天

何有猶何得且晉人感憂以重我謂反首拔舍天

地以要我不圖晉憂重其怒也我食吾言背天地也

重怒難任背天不祥必歸○要於遙反重


晉君○任當也公子繫曰不如殺之無聚○任音壬

慝焉○公子繫秦大夫恐夷吾歸復相聚為惡張執○繫

反又丁立反慝他得○反後同復扶又反子桑曰歸之而質其太子必得○質

大成晉未可滅而殺其君祇以成惡○祇適也音置

下註質秦○同祇音支且史佚有言曰無始禍○史佚周武王時



太史名佚○佚音逸無怙亂○恃人亂為已利音戶

無重怒重怒難任陵人不祥乃許晉平晉侯使卻乞

告瑕呂飴甥且召之○卻乞晉大夫也瑕呂飴甥即

呂甥也蓋姓瑕呂名飴甥字子金晉侯聞秦將許之

平故告呂甥召使迎已○飴音怡子金教之言曰朝國人

而以君命賞○恐國人不從故先賞之於朝且告之

曰孤雖歸辱社稷矣其卜貳圉也○貳代也圉惠公

太子懷公衆皆哭○哀君不還國晉於是乎作爰田

分公田之稅應入公者爰之於所賞之衆○爰于

疏作爰田。正義曰服虔孔晁皆云爰易也賞眾以田易其疆畔杜言爰之於所賞之眾則亦以爰為易謂舊入公者乃呂甥曰君亡之不恤而羣臣是憂改易與所賞之眾

惠之至也將若君何眾曰何為而可對曰征繕以輔

孺子**國**征賦也繕治也孺子太子圍○孺如諸侯聞

之喪君有君羣臣輯睦甲兵益多好我者勸惡我者

懼庶有益乎眾說晉於是乎作州兵**國**五黨為州州

二千五百家也因此又使州長各繕甲兵○喪息浪

音集又七入反好呼報反惡烏路○作州兵。正義

反說音悅長丁丈反下長男同○曰周禮卿大夫

以歲時登其夫家之眾寡辯其可任者州長則否初



晉獻公筮嫁伯姬於秦遇歸妹三三○兌下震上歸

妹之睽三三○兌下離上睽歸妹上六變而為睽

苦圭反○遇歸妹之睽。正義曰兌下震上為歸妹

徐音圭○震為長男兌為少女兌說也震動也少陰

而承長陽說以動是歸妹之象婦人謂嫁為歸故名

此卦為歸妹兌下離上為睽兌為澤離為火火動而

上澤動而下乖離之象史蘇占之曰不吉史蘇晉


故名此卦為睽睽乖也史蘇至之史。正義曰易歸妹上六

卜筮之史○爻辭女承筐無實士刲羊無血無攸利

夫和親而其爻變為睽歸妹之值睽爻既嫁而更乖張猶如無助者也言夫不助妻故乖離也震變為離離還變為震震為雷離為火震變為離是雷變為火以其為雷為火此羸敗姬言秦將敗晉也震為車上六爻在震體則無其應是為車則脫其輓離為火上九爻在離體則失其位是為火則焚其旗車敗旗焚是不利於行師若其行師敗於宗族之丘邑也以其變為睽卦復就睽卦求之睽卦則上九孤絕失位是乖離而孤獨也孤獨無助遇寇難則張之孤孤弓也遇寇張弓怖懼警備亦是不吉之象姪其從姑言兄子其當從至姑家與同處也在姑家六年其將逃亡逃歸其本國而棄遺其家室言將棄妻而獨歸也歸家之明年其將死於高梁之虛其繇曰士到羊亦無筮嫁女而得此卦是不吉之象

其繇曰士到羊亦無

益也女承筐亦無貺也 周易歸妹上六爻辭也益血也貺賜也到羊士之功承筐女之職上六無應所



求不獲故下到無血上承無實不吉之象也離為中

女震為長男故稱士女。繇直救反到苦圭反刺割也益音荒筐曲方反貺音況

本亦作況應應對之應。周易至士女。正義曰下無應同中丁仲反。易之爻辭無二亦字傳文

加之言男亦猶女女亦猶男其意同也易言血而此言益知益是血也貺賜釋詁文到刺也廚宰男子之

事故到羊士之功也筐筐婦人所掌故承筐女之職也上爻與二其位相值一陰一陽乃為相應上三俱

是陰爻是為無應動而無人應之所求無獲故下刺無血上承無實是不吉之象上爻變則是震為離離

為中女故稱女承筐震為長男男稱士故為士到羊王弼以兌為羊羊謂三也上六處卦之窮仰無所承

下文無應為女而上承則虛筐而莫之與為士而下命則到羊而無血不應所命也言士發命而莫之應女承筐而莫之與是不吉之象服虔以離為戈兵兌為羊震變為離是用兵刺羊之象也三至五有坎象


坎為血血在羊上故刺無血也震為竹竹為筐震變為離離為火火動而上其施不下故筐無實也此士卦羊女承筐是歸妹上六爻辭直據上六之一爻故杜云上六無應所求不獲故下卦無血上承無實與王輔嗣同則不須變為離卦自有士女之義今杜云離為中女便是據變之後如有女承筐之象既為離卦則上九有應所以與易說卦不同者但易之所論當卦為義此既用筮法震變為離故以離震雜說其理與易不同故服虔亦稱

西鄰責言不可償也 將離為戈兵用變為說也

嫁女於西而遇不吉之卦故知有責讓之言不可報償。責側介反又如字

疏 將嫁至報償。正義曰償市亮反又音常

疏 如杜此言直以遇卦不吉則知言不可償不知其象何所出也服虔以為三至五為坎坎為月月生西方故為西鄰坎為水兌為澤澤聚水故坎責之澤澤償水則竭故責言不歸妹之可償此取象甚迂杜言虛而不經謂此類也



睽猶無相也 歸妹女嫁之卦睽乖離之象故曰無

相相助也。相息亮反註同

疏 歸妹至助也。正義曰杜意嫁女而遇睽離之爻即是

無相助也不知其象所出服虔云兌為金離為火金火相遇而相害故無助也

震之離亦離

之震 二卦變而氣相通

疏 二卦至相通。正義曰為震與離通也震既與離通則離亦與震通言此二卦相通者與下張本震為雷雷是動離為火震之離是動來適火離之震是火往適動欲明

為雷為火為嬴敗姬

疏 嬴秦姓姬

晉姓震為雷離為火火動熾而害其母女嫁反害其

家之象故曰為嬴敗姬

疏 嬴秦至敗姬。正義曰震為雷離為火

說卦文服虔云離為日為火秦嬴姓水

車說其輓火

位三至五有坎象水勝火故為嬴敗姬

焚其旗不利行師敗于宗丘○輓車下縛也丘猶邑

也震為車離為火上六爻在震則無應故車脫輓在

離則失位故火焚旗言皆失車火之用也車敗旗焚

故不利行師火還害母故敗不出國近在宗邑○說

反註同輓音福又音服案車旁著畱音福老子所云

三十輻共一轂是也車旁著復音服是車下伏兔縛

如字又○輓車至宗邑。正義曰子夏易傳云輓

扶臥反○車下伏兔也今人謂之車屐形如伏兔以

繩縛於軸因名縛也土之高者曰丘眾之所聚為邑

故丘猶邑也晉語震為車也說卦離為火上爻在震

則無應故車脫輓三亦陰爻是無應也在離則失位

故火焚其旗初三五奇為陽位二四上偶為陰位在

離則變為陽而居陰位是失位也師行必乘車而建

旗車敗旗焚故不利行師也火還害母故敗不出國

近在宗邑也服虔云五至三有坎為水象震為車車

得水而脫其輓也震為龍龍為諸侯旗離之震故火

焚其旗也震東方木兌西方金木遇○歸妹睽孤寇張

金必敗韓有先君之宗廟故曰宗丘○歸妹睽孤寇張

之弧○此睽上九爻辭也處睽之極故曰睽孤失位

孤絕故遇寇難而有弓矢之警皆不吉之象○難乃

音○此睽至之象。正義曰睽卦上九云上九睽

景○孤見豕負塗載鬼一車先張之弧後脫之弧匪

寇婚媾往遇雨則吉彼文甚多此畧取之先張之弧

吐活

說

吐活

吐活

吐活

吐活

吐活

吐活

吐活

吐活

吐活

吐活

吐活

吐活

吐活

吐活

吐活

吐活

吐活

吐活

吐活

吐活

吐活



子謂舅弟之子為姪是為我姪者我謂之姑 **六年其逋逃歸其國而棄其**

家 **逋**亡也家謂子圉婦懷嬴 ○逋補 **逋** ○逋亡至

義曰桓十八年傳曰女有家男有室室家通言耳夫謂妻為家棄其家謂棄其妻故為懷嬴也子圉以十

七年質于秦二十二年逃歸是六年乃逋也 **明年其死于高粱之虛** **惠**

公死之明年文公入殺懷公于高粱高粱晉地在平


陽楊氏縣西南凡筮者用周易則其象可推非此而

往則臨時占者或取於象或取於氣或取於時日王

相以成其占若盡附會以爻象則構虛而不經故畧

言其歸趣他皆倣此 ○虛去魚反王于況反相息

亮反構本又作講各依字讀 **統**



惠公至倣此。正義曰圍以二十二年歸二十三

年惠公死二十四年二月殺懷公于高粱是為惠公

死之明年也此筮之意言六年逋明年死則是逃歸

之明年而云惠公死之明年者以二月即死據夏正

言之猶是逃歸之明年也但周正已改故以惠公證

之耳春秋筮事既多此占最少其象故杜因而明之

云用周易則其象可推非周易則不可得知本意所


取不在周易者盡皆附會爻象以求其事則象非其

類事非其實今構虛而不經故畧言歸趣而已不能

盡得其象也陰陽書以為春則為木王火相七死金

囚水休時日 **及惠公在秦曰先君若從史蘇之占吾**
不及此夫韓簡侍曰龜象也筮數也物生而後有象
象而後有滋滋而後有數先君之敗德及可數乎史
蘇是占勿從何益 言龜以象示筮以數告象數相

因而生然後有占占所以知吉凶不能變吉凶故先君敗德非筮數所生雖復不從史蘇不能益禍音扶先君之敗德及絕句可數乎一讀韓簡至何益及可數乎數色主反復扶又反正義曰卜以用龜灼以出兆是龜以金木水火土之象而告人筮之用著揲以為卦是筮以陰陽著策之數而告人也凡是動植飛走之物物既生訖而後有其形象既為形象而後滋多滋多而後始有頭數其意言龜以象而示人筮以數而告人惠公之意以先君若從史蘇之占不嫁伯姬於秦已便不及此禍尤先君不從卜筮也韓簡之意以為惠公及禍自由先君獻公廢嫡立庶之敗德不由卜筮故云先君之敗德既定致公今及此禍可由筮數始生之乎敗德有其象數筮龜從後而知因嫁女於秦見於著兆故云史蘇是占縱使當時不從何能加益此禍明禍敗既定龜筮知之從之不能損不從不能益也。註言龜至益禍。正義



曰謂象生而後有數是數因象而生也若易之卦象則因數而生故先揲著而後得卦是象從數生也上云龜象筮數下直言數不言象者上總論卜筮故龜筮並言當時唯筮伯姬故下直舉數耳。詩曰

下民之孽匪降自天傳沓背憎職競由人詩小雅

言民之有邪惡非天所降傳沓面語背相憎疾皆人

競所主作因以諷諫惠公有以召此禍也。孽魚列反傳尊本

反沓徒合反邪似疏詩曰至由人。正義曰詩小雅

妖孽非是下自上天今小人傳沓相對譚語背則相憎主於競逐為惡者由人耳因以諷諫惠公言

善惡由註○**震夷伯之廟罪之也於是展氏有隱慝焉**

註隱惡非法所得尊貴罪所不加是以聖人因天地

之變自然之妖以感動之知達之主則識先聖之情以自厲中下之主亦信妖祥以不妄神道助教惟此

為深

音智

隱

隱惡至為深。正義曰：隱訓惡也。隱蔽之惡不見於外，非法令所得繩也。其人尊貴，非刑罰所能加也。忽有震破其廟，乃是幽冥

加罪聖人，因天地之變，自然之妖，故章其事以感動

穢行之人，使自懲肅也。知達之主，則識先聖之情，知

此欲以懼愚人也。中下之主，亦信此妖祥之事，謂身

為惡行，神必加禍。以此不妄動，作易稱聖人，以神道

設教，故云神道助教。唯此事為深，因此遂泚解春秋

諸有妖祥之 ○冬宋人伐曹討舊怨也 **莊**十四年

曹與諸侯伐宋 ○楚敗徐于婁林徐恃救也 **恃**齊

救 ○十月晉陰飴甥會秦伯盟于王城 **陰**飴甥即



呂甥也食采於陰故曰陰飴甥王城秦地馮翊臨晉

縣東有王城今名武鄉秦伯曰晉國和乎對曰不和

小人恥失其君而悼喪其親 **痛**其親為秦所殺不

憚征繕以立圉也曰必報讎寧事戎狄君子愛其君

而知其罪不憚征繕以待秦命曰必報德有死無二

以此不和秦伯曰國謂君何對曰小人感謂之不免

君子恕以為必歸小人曰我毒秦秦豈歸君 **毒**謂

三施不報 憚徒 君子曰我知罪矣秦必歸君貳而

執之服而舍之德莫厚焉刑莫威焉服者懷德貳者

畏刑此一役也

註

言還惠公使諸侯威服復可當一

事之功

舍字又反音捨還音環

疏

言還至之功。正義曰服

不然者呂甥之言勸秦伯而納晉侯假稱君子之意若納晉君可以更當一役之功欲深勸秦伯若直論韓戰之役於秦未有深利何肯納也故杜別為其說劉炫以服義規之雖於理亦通未為殊絕

秦可以霸納而不定廢而不立以德為怨秦不其然秦伯

曰是吾心也改館晉侯饋七牢焉

註

牛羊豕各一為

一牢

饋其位反

蛾析謂慶鄭曰盍行乎

註

蛾析晉大夫

也

蛾魚綺反或作蟻一音五和反析星曆反本或作柝盍戶臘反

對曰陷君於敗

註謂呼不往誤晉師失秦伯敗而不死又使失刑非

人臣也臣而不臣行將焉入十一月晉侯歸丁丑殺

慶鄭而後入

註

丁丑月二十九日

焉於虔反

是歲晉又

饑秦伯又餽之粟曰吾怨其君而矜其民且吾聞唐

叔之封也箕子曰其後必大晉其庸可冀乎

註唐叔

晉始封之君武王之子箕子殷王帝乙之子紂之庶

兄

餽許氣反

疏

唐叔至庶兄。正義曰唐叔晉始封之君晉世家文也宋世家云箕子者紂

親戚也止云親戚不知為父也兄也鄭玄王肅皆以箕子為紂之諸父服杜以為紂之庶兄既無正文各

以其意言耳歷檢諸書不見箕子之名唯司馬彪註莊子云胥餘箕子各不知其然否

姑樹德

焉以待能者於是秦始征晉河東置官司焉

註征賦

也

經十有六年春王正月戊申朔隕石于宋五隕落也

聞其隕視之石數之五各隨其聞見先後而記之莊

七年星隕如雨見星之隕而墜於四遠若山若水不

見在地之驗此則見在地之驗而不見始隕之星史

各據事而書隕于敏反數色隕落至而書

文公羊傳曰曷為先言實而後言石實石記聞聞其

碩然視之則石察之則五是隨聞見先後而記之也

傳稱隕星也則石亦是星而與星隕文倒故解之彼

見星之隕不見在地之驗此見在地之石不見始隕

之星史各據事而書故文異也三十三年書隕霜者

亦見在地之霜不見在天之驗故霜上言隕與此同

也星石霜言隕雪電蝻言雨者其狀是月六鷓退飛

似雨者稱雨不似雨者即稱隕也是月六鷓退飛

過宋都是月隕石之月重言是月嫌同日鷓水鳥

高飛遇風而退宋人以為災告於諸侯故書是月

是日鷓五歷反本或作鷓音同六其是月至故

數也過古禾反重直用反傳註同書正義曰

月令諸言是月皆是前事之月知此是隕石之月也

石隕鷓退俱是宋事事相類而同時告故重言是月

嫌同日也告者不以鷓退之日告故言是月以異之

鷓水鳥者相傳為然春秋考異鄙云鷓者毛羽之蟲

生陰而屬於陽洪範五行傳曰鷓者陽禽鷓字或作

鷓廣志云鷓古退飛者今以其首為船頭莊子云鷓


之相視睥子不運而風化博物志云雄雌相視則孕

或曰雄鳴上風雌承下風則亦孕是也鳥飛不能自

退傳言風也是鳥高飛遇風而退却也公羊傳曰視

之則六察之則鷓徐而察之則退飛是亦隨見先後

及古蜀



而書之魯史而記宋事知其宋人以爲災告於諸侯故書

三月壬申公子季友卒無傳稱字者貴之公與小斂

故書日與音預斂力驗反公稱字至書日

友是其名猶如仲遂叔肸之類皆名字雙舉劉炫以季爲氏而規杜過非也炫云季友仲遂皆生賜族非


也

夏四月丙申鄆季姬卒無傳鄆似陵反

秋七月甲子公孫茲卒無傳

冬十有二月公會齊侯宋公陳侯衛侯鄭伯許男邾侯

曹伯于淮臨淮郡左右邢音刑臨淮郡左



淮水發源入海其路甚長會于淮者必是會于水旁不得會于水內杜欲指其處無以可明故云臨淮郡

傳十六年春隕石于宋五隕星也但言星則嫌星

使石隕故重言隕星但言至隕星正義曰下

言星也則嫌是星使石隕故重言隕星以明所隕之石卽是星也易稱在天成象在地成形則星之在上其形不可知也古今之說星隕至地皆言爲石經書在地之驗故言隕石傳本在天之時故言隕星不知星之在上其形本是石也爲當既六鷁退飛過宋都

隕始變爲石聖賢不說難得而知六鷁退飛過宋都

風也六鷁遇迅風而退飛風高不爲物害故不記

風之異迅音信又音峻疾也周內史叔興聘于宋宋襄公問

焉曰是何祥也吉凶焉在○祥吉凶之先見者襄公

以為石隕鷁退能為禍福之始故問其所在○焉於

賢徧反○與必有禎祥國家將亡必有妖孽則事之

先見善惡異名吉之先見謂之祥凶之先見謂之妖

此總云祥者彼對文耳書序云毫有祥桑穀共生于

朝五行傳云青祥白祥之類惡事亦稱為祥祥是總

各公問是何祥也吉凶焉在故杜并以吉凶解之言

吉凶先見皆為祥也襄公以為石隕鷁退能為禍

禍福之始故問其所在蓋當慮其在已故問之對曰

今茲魯多大喪○今茲此歲明年齊有亂君將得諸

侯而不終○魯喪齊亂宋襄公不終別以政刑吉凶

他占知之○魯喪至知之○正義曰此三者叔與

止言其事不說知之所由或觀政教刑

法或他事別有占驗故云別以政刑他占知之言知

之不由石鷁也劉炫云政者若周大夫入陳竟見官

職不修君臣南冠如夏氏知簡夷將亂子貢見公執

玉卑知其替死也刑者若夷吾忌克多怨君子知其

不終也吉凶有二陰陽調序四海玉燭時吉也陰陽

錯逆寒暑失度民多癘疫五穀不登時凶也父慈子

孝君義臣忠人吉也父不父子退而告人曰君失問

是陰陽之事非吉凶所生也○言石隕鷁退陰陽錯


逆所為非人所生襄公不知陰陽而問人事故曰君

失問叔與自以對非其實恐為有識所譏故退而告


人○錯七○言石至告人○正義曰劉炫云言是

序則物皆得性必無妖異故云陰陽錯逆所為非人

吉凶所生也傳稱天反時為災地反物為妖人反德



為亂則妖災生洪範咎徵曰狂悞雨若之類皆言
 人有愆失乃致陰陽錯逆而云陰陽錯逆非人所生
 者石隕鷁飛事由陰陽錯逆陰陽錯逆乃是人行所
 致襄公不問已行何失致有此異乃謂既有此異將
 來始有吉凶故答云是乃陰陽之事非將來吉凶所
 生言將來若有吉凶協此石鷁之異耳非始從石鷁
 而出也襄公不知陰陽錯逆為既往之咎乃謂將來
 吉凶出石鷁之間是不知陰陽而空問人事故云君
 失問也叔興若以實對當云由君愆致有此異今
 乃別以政刑他占橫說齊亂魯喪自以對非其實恐
 為有識所譏故退而告人以此言也服虔云鷁退風
 咎君行所致非吉凶所從生襄公不問已行何失而
 致此變但問吉凶焉在以為石隕鷁退吉凶所從而
 生故云君失問是劉炫用服義為說也今刪定以杜
 注云石鷁陰陽錯逆所為非人所生則陰陽錯逆自
 然有此非由人事之失致此錯逆又吉凶不由石鷁
 所生故傳云是陰陽之事非吉凶所生是吉凶不由
 石鷁石鷁所生不由於人則吉凶之來別由人行得



失耳故釋例云或異而無感或感而不可知如此之
 類是也其傳云亂則妖災生洪範曰狂悞雨若此皆
 假之陰陽以為勸戒神道助教非實辭也但**吉凶由**
 聖賢之說未知孰是故兩載其義以俟後賢

人吾不敢逆君故也**積善餘慶積惡餘殃**故曰吉
 凶由人君問吉凶不敢逆之故假他占以對○殃於良反

積善至以對○正義曰積善餘慶積惡餘殃易
 文言文也言將來吉凶由人行所致行善則有吉
 行惡則有凶吉凶自由於君不從石鷁而○夏齊伐
 出吾不敢逆君之心故假他占以對之

厲不克救徐而還**十五年齊伐厲以救徐****○秋狄**

侵晉取狐廚受鐸涉汾及昆都因晉敗也**狐廚受**

鐸昆都晉三邑平陽臨汾縣西北有狐谷亭汾水出

大原南入河

○狐音胡廚直誅反鐸徒各
反汾扶云反水名大原音泰
至入河

○正義曰汾水從平陽南流折而西入于河臨汾縣在汾水北狐谷疑是狐廚乃在縣之西北則狐廚受鐸皆在汾北狄自北而侵南涉
○王以戎難告于齊
汾水至于昆都昆都在汾南也

齊徵諸侯而戍周

十一年戎伐京師以來遂為王

室難

○難乃且反註同

○冬十一月乙卯鄭殺子華

仲之言事在七年○十二月會于淮謀鄆且東畧也

而呼曰齊有亂不果城而還

○為干偽反

城鄆役人病有夜登丘

駐故作妖言

○呼火故反還音旋



經十有七年春齊人徐人伐英氏

○英於京反

夏滅項

項國今汝陰項縣公在會別遣師滅項不言

師諱之

○項胡講反國名魯滅
之也二傳以為齊滅
正義曰知非師少

不言師而言諱之者沈云襄十三年傳云用大師焉曰滅此既稱滅故知用大師劉炫云案傳齊人以為討討其滅國非討用師既不諱滅何以諱師炫謂將卑師少稱人不可自言魯人故不稱師炫不達此旨以為將卑師少以規杜過非也

秋夫人姜氏會齊侯于卞

卞今魯國卞縣
○卞皮

夫人至于卞○正義曰婦人送迎不出門見兄弟不踰闕今出會齊侯無譏文者凡夫人之行得禮失禮直書其事善惡自明故於文悉無褒貶此時公為齊人所止夫人會以釋之縱使違禮不合貶責

九月公至自會註公既見執于齊猶以會致者諱之

冬十有二月乙亥齊侯小白卒註與僖公八同盟赴以

名註與僖至以名○正義曰元年盟于犂三年公

于洮九年于葵丘十五年于首止七年于甯母八年

召陵諸侯皆在公亦與焉故為八也同盟相赴以名

主謂當時兩君但與其父盟亦得以名赴

其子耳與僖盟既多故不復通數莊閔也

傳十七年春齊人為徐伐英氏以報婁林之役也註

英氏楚與國婁林役在十五年註為于○夏晉天子

圍為質於秦秦歸河東而妻之註秦征河東置官司

在十五年註圍魚呂反質音致註惠公之在梁也梁伯

下同妻七許反下同

妻之梁嬴孕過期註過十月不產懷子曰孕註嬴音

孕以證反註過十至曰孕○正義曰十月而產婦

過古禾反註人大期又家語云人十月而生故知過

期過十月也易稱婦孕註卜招父與其子卜之註卜招

父梁大卜註招上遙註其子曰將生一男一女招曰然


男為人臣女為人妾故名男曰圉女曰妾註圉養馬

者不聘曰妾註圉養至曰妾○正義曰昭七年傳

奔則為註及子圉西質妾為宦女焉註宦事秦為妾註

音註○師滅項註師魯師淮之會公有諸侯之事未歸

而取項註淮會在前年冬諸侯之事會同講禮之事



齊人以為討而止公註內諱執皆言止○秋聲姜以

公故會齊侯于卞註聲姜僖公夫人齊女九月公至

書曰至自會猶有諸侯之事焉且諱之也註恥見執

故託會以告廟註猶有至諱之也○正義曰實無諸

侯之註侯之事而言至自會者尚似有諸


事焉○齊侯之夫人三王姬徐嬴蔡姬皆無子齊侯

好內多內寵內嬖如夫人者六人長衛姬生武孟註

武孟公子無虧註好呼報反嬖必計註少衛姬生惠公

註公子元註少計註鄭姬生孝公註公子昭葛嬴生昭

公註公子潘註潘判註密姬生懿公註公子商人宋華



子生公子雍註華氏之女子姓註華戶註公與管仲屬

孝公於宋襄公以為太子雍巫有寵於衛其姬因寺

人貂以薦羞於公註雍巫雍人名巫即易牙註屬音

恭本亦作恭貂註雍巫至易牙○正義曰周禮掌

音彫易音亦註食之官有內雍外雍此人為雍宜

名巫而字註亦有寵公許之立武孟註易牙既有寵於

公為長衛姬請立武孟註偽反註管仲卒五公子皆求

立冬十月乙亥齊桓公卒註乙亥十月八日易牙入

與寺人貂因內寵以殺羣吏註內寵內官之有權寵

者而立公子無虧孝公奔宋十二月乙亥赴辛巳夜

殯六十七日乃殯。殯必刃反。

經十有八年春王正月宋公曹伯衛人邾人伐齊納

孝公

夏師救齊無傳

五月戊寅宋師及齊師戰于贏齊師敗績無虧既死

曹衛邾先去魯亦罷歸故宋師獨與齊戰不稱宋公

不親戰也大崩曰敗績贏齊地贏魚免反又魚偃反又音言一音彥

狄救齊無傳救四公子之徒

秋八月丁亥葬齊桓公十一月而葬亂故八月無丁

亥日誤

冬邾人狄人伐衛狄稱人者史異辭傳無義例

稱至義例。正義曰決上狄救齊不稱人也於例將卑師衆稱師將卑師少稱人謂中夏諸侯之例此稱邾人是將卑師少者夷狄既無爵命非有君臣之別文多稱戎稱狄今君臣同文或單稱狄或稱狄人是時史異辭非褒貶也穀梁傳曰狄其稱人何也善累而後進之伐衛所以救齊也其意以為上已救齊今復伐衛救齊故進之稱人左氏無此義故為史異辭

傳十八年春宋襄公以諸侯伐齊三月齊人殺無虧

以說宋。說音悅。鄭伯始朝于楚。中國無霸

故楚子賜之金既而悔之與之盟曰無以鑄兵楚

金利故鑄之樹反故以鑄三

鐘古者以銅為兵傳言楚無霸者遠畧○齊人將

立孝公不勝四公子之徒遂與宋人戰無虧已死

故曰四公子勝音升又升證反夏五月宋敗齊師于廩立孝


公而還○秋八月葬齊桓公孝公立而後得葬○

冬邢人狄人伐衛圍菟園衛侯以國讓父兄子弟及

朝眾曰苟能治之燬請從焉燬衛文公名徒圃布

古反又音布眾不可不聽衛侯讓而從師于訾婁

燬吁委反陳師訾婁訾婁衛邑訾子斯反婁郎狄師還



獨言狄還則邢畱距衛言邢所以終為衛所滅○梁

伯益其國而不能實也多築城邑而無民以實之

命曰新里秦取之

經十有九年春王三月宋人執滕子嬰齊稱人以執

宋以罪及民告例在成十五年傳例不以名為義書

名及不書名皆從赴嬰於稱人至從赴○正

子下云邾人執郕子二君於傳無不道之狀而皆稱

人以執是宋公欲重其罪以罪及民告故史從而書

之以示虛實釋例曰凡諸侯無加民之惡而稱人以

重二國之罪故以不道赴或各或不各從所告之文也傳具載子魚之辭以虐二國之君見義明非罪也杜言書名從赴者諸侯被執其罪與不罪直以執者稱人稱侯為異傳例不以書名為義釋例曰諸見執者已在罪賤之地書名與否非例所加故但言執某侯也其意言被執已是罪賤書名更無可加故不復以名為義既不以為義而被執者有名與不各知其皆從赴也

夏六月宋公曹人邾人盟于曹南

傳無傳曹雖與盟而

猶不服不肯致餼無地主之禮故不以國地而曰曹

南所以及秋而見圍

○與音預下亦與同餼許氣反**○**曹雖至見

哀十二年傳曰諸侯之會侯伯致禮地主歸餼桓十四年公會鄭伯于曹傳曰曹人致餼禮也春秋諸會於國都者即以國都名為會地地主不序於列此會地於曹南則在曹之都也在曹之都而曹人在列是



曹雖與盟而心猶不服秋宋人圍曹傳曰討不服也以不服而被圍知此地以曹南即是不服之狀明是不肯致餼無地主之禮以此故不以國地而曰曹南所以及秋而見圍以秋見圍知此時不服故註言之

鄆子會盟于邾**傳**不及曹南之盟諸侯既罷鄆乃會

之於邾故不言如會**傳**不及至如會**○**正義曰諸

未至於曹諸侯既罷以邾既盟訖故如邾會之本意欲往會盟未至於曹諸侯已去其實至於邾國故書

會盟于邾言其意欲盟也二十八年踐土盟下云陳侯如會彼謂往至會所此不至會所故書其所至而

不言如會襄七年鄆之會下鄭伯髡頑如會未見諸侯丙戌卒于鄆亦不至會所而云如會者其意欲會

而在道身喪故亦書其所至義與此同但卒執事異故文異耳鄆子不及曹南而至於邾國蓋宋公知其

在邾故使**已**西邾人執鄆子用之**傳**稱人以執宋以邾子執之

罪及民告也鄆雖失大國會盟之信然宋用之為罰已虐故直書用之言若用畜產也不書社赴不及也不書宋使邾而以邾自用為文南面之君善惡自專不得託之於他命○畜許**○**稱人至他命○正義又反○昭十一年楚執蔡世子友用之與此執鄆子用之皆惡其無道直書用之言其若用畜牲所以惡楚宋也惡宋而以邾自用為文者南面之君善惡自專不得託之他命事實惡宋亦所以惡邾也傳稱用之于社而經不書于社故云赴不及也劉炫規過云執蔡世子友用之不言岡山此何須云于社今刪定知不然者以莊二十五年鼓用牲于社今鄆子既同畜牲而用當云邾人用鄆子于社今不云于社故知赴不及則昭十一年執蔡世子友用之亦赴不及也

秋宋人圍曹衛人伐邢註伐邢在圍曹前經書在後從赴

冬會陳人蔡人楚人鄭人盟于齊註地於齊齊亦與盟

○地於齊齊亦與盟○正義曰地於齊者言即以齊為所盟之地也傳稱陳穆公請修桓公之好而為此盟明是齊亦與盟地於齊而齊不序諸盟會以國都而地主不列於序者地主亦與盟會皆以此而知之耳

梁亡註以自亡為文非取者之罪所以惡梁○惡鳥

○以自至惡梁○正義曰諸侯受命天子分地建國無相滅之理此以自亡為文不書所取之國以為梁國自亡非復取者之罪所以深惡梁耳非言秦得滅人國也釋例曰作事不時則怨讎動於民彼梁伯者

虛與無虞之功詐稱無害之寇遂滿其宮以盪百姓之心開大國之志是妖孽之先徵自亡之實應故不言秦滅梁而以自亡為文

傳十九年春遂城而居之承前年傳取新里故不

復言秦也為此冬梁亡傳又反○宋人執滕宣公

○夏宋公使邾文公用鄆子于次睢之社欲以屬東

夷睢水受汴東經陳畱梁譙沛彭城縣入泗此水


次有妖神東夷皆社祀之蓋殺人而用祭屬朱欲反

譙在消反沛音貝泗欲以屬東夷○正義曰屬訓

音四祠音辭或音祀聚也殺鄆子以懼東夷使東

夷聚來歸已也齊桓以德屬諸侯諸侯聚歸齊桓○

睢水至用祭正義曰釋例曰汴水自滎陽受河



睢水受汴東經陳畱梁國譙郡沛國至彭城縣入泗凡水首從水出謂之受流歸他水謂之入漢書之倒為然言汴從河出睢從汴出也次謂水旁也下云用諸淫昏之鬼則此祀不在祀典故云此水次有妖神妖神而謂之社傳言以屬東夷則此是東夷之神故言東夷皆社祠之劉炫云按昭十年季平子伐莒獻俘始用人於亳社彼亳社舊不用人杜何以知此社殺人而用祭乎今知不然者彼傳云始用人於亳社故知舊來不用此云使邾文公用鄆子于次睢之社既不言始明知舊俗用之劉取彼而規杜過非也

司馬子魚曰古者六畜不相為用司馬子魚公子

目夷也六畜不相為用謂若祭馬先用馬畜許

同為于偽反下為人司馬至用馬○正義曰爾

同又如字註做此雅釋畜馬牛羊豕犬雞謂之

六畜周禮謂之六牲養之曰畜用之曰牲其實一物也此云六畜不相為用昭十一年傳曰五牲不相為

用彼註不云馬而以其餘當之明其俱為祭祀所用
彼此同也周禮按人春祭馬祖鄭玄云馬祖天駟也
孝經說曰房為龍馬六畜之言先祖者唯此一文而
已以外牛羊之等其祖不知為何神也謂若祭馬先
不用馬畧舉一隅據有文者言之耳沈氏云春秋說
天苑主牛又有天雞天狗天豕以馬祖類之此等各
有其祖小事不用大牲紀言釁廟用羊門夾室皆用
雞隱十一年傳稱鄭伯之詛使卒出豶而況敢用人
行出犬雞如此之類皆是以用大牲也

乎祭祀以為人也民神之主也用人其誰饗之齊桓

公存三亡國以屬諸侯三亡國魯衛邢

邢○正義曰齊語云魯有夫人慶父之亂二君弑死
國絕無嗣桓公使高子存之狄人攻邢桓公築夷儀
以封之狄人攻衛衛人出廬于曹桓公城楚丘以封
之是也衛則狄滅之矣魯邢不滅而言亡者美大齊



桓之功耳義士猶曰薄德謂欲因亂取魯緩救邢衛今

一會而虐二國之君宋公三月以會召諸侯執滕

子六月而會盟其月二十二日執鄆子故云一會而

虐二國之君又用諸淫昏之鬼非周社故將以求

霸不亦難乎得死為幸恐其亡國○秋衛人伐邢

以報菟園之役邢不速退所以獨見伐於是衛大

旱卜有事於山川不吉有事祭也甯莊子曰魯周

饑克殷而年豐今邢方無道諸侯無伯伯長也

丁丈反天其或者欲使衛討邢乎從之師興而雨○宋

人圍曹討不服也曹南盟不修地主之禮故子魚

言於宋公曰文王聞崇德亂而伐之軍三旬而不降

崇崇侯虎 退修教而復伐之因壘而降

復往攻之備不改前而崇自服 復扶又反註同

伐衍字也壘 詩曰刑于寡妻至于兄弟以御于家邦


力軌反軍壘 詩大雅言文王之教自近及遠寡妻嫡妻謂大姒

也刑法也御如字治也詩音五嫁反迎也嫡 今君

德無乃猶有所闕而以伐人若之何盍始內省德乎

無闕而後動盍胡 陳穆公請修好於諸侯以無

臘反



忘齊桓之德冬盟于齊修桓公之好也宋襄暴虐

故思齊桓好呼報 梁亡不書其主自取之也

不書取梁者主名初梁伯好土功亟城而弗處民罷

而弗堪則曰某寇將至乃溝公宮溝壑 亟欺冀

壘 曰秦將襲我民懼而潰秦遂取梁潰戶

經二十年春新作南門魯城南門也本名稷門僖公

更高大之今猶不與諸門同改名高門也言新以易

舊言作以興事皆更造之文也魯城至文也

本名稷門今新作者新修彼稷門更令高大因改名

高門此事非有所據魯人相傳云然今時魯人其言

猶如此也新者易舊之意作者與事之辭皆是更造
之文也劉賈先儒皆云言新有故在言作有新在故
為此言以異之釋例曰言新意所起言作以與事通
謂興起功役之事總而言之不復分別因舊與造新
也

夏郟子來朝

註

無傳郟姬姓國

郟古報反
字林工竺反

註

郟姬

正義曰二十四年傳富辰所云郟之初封文王之子
聃季之弟以後更無所聞唯此年一見而已無時君
諡號不知
誰滅之

五月乙巳西宮災

註


無傳西宮公別宮也天火曰災例

在宣十六年

註

西宮至六年。正義曰穀梁以西
宮為閔公之廟禮宗廟在左不得稱

西宮也公羊傳曰西宮者何小寢也小寢則曷為謂
之西宮有西宮則有東宮矣此註取公羊為說故云



公別
宮也

鄭人入滑

註

入例在襄十三年

滑于
八反

秋齊人狄人盟于邢

冬楚人伐隨

傳二十年春新作南門書不時也

註

失土功之時凡

啓塞從時

註

門戶道橋謂之啓城郭牆塹謂之塞皆

官民之開閉不可一日而闕故特隨壞時而治之今


僖公修飾城門非開閉之急故以土功之制譏之傳

嫌啓塞皆從土功之時故別起從時之例

塞素
則反

註

門戶至之例。正義曰傳唯言啓塞從時不知啓塞之言意何所謂服虔云闔扇所以開鍵閉所以塞月令仲春修闔扇孟冬修鍵閉從時從此時也傳既云作門不時更發從時之例則啓塞之事當是城門之類安得以爲闔扇鍵閉細小之物乎若是仲春孟冬傳何以不言春冬而直云從時知從何時豈丘明作傳不了待月令而後明哉故杜更爲別說雖杜之言亦無明證正以門戶道橋所以開人行路故以爲啓城郭牆壑所以障蔽往來故以爲塞雖言無所據而理在可通此二事者皆官民之所開閉終當須之不可一日而闕言從時者特從壞時而修之不得拘以土功時月也此新作南門者當時不是傾壞僖公欲修飾使高大耳非開閉之急得待土功間月今日至之後興造此門故以土功之制譏之云書不時也傳既譏僖公作門不時嫌門戶牆壑之類交急之事亦待土功之月故別起從時之例言啓塞不須待時其新作門須待時耳杜云城郭謂之塞亦得從壞時而治之所以春秋築城每云書不時者謂非因破



壞而輒修理故謂之不時釋例曰門戶道橋城郭牆壑官民之開閉不可一日闕者也故特隨壞時而修之皆當其時而訖不必用土功之常時也故傳既曰書不時又曰啓塞從時重發以明二義其他急事亦包之也魯城南面三門隱公元年開一門故今南有四門僖公意更繕治高大稷門非啓塞之義而以日至之後興功故經書春傳曰書不時言失

○滑人叛鄭而服於衛夏鄭公子士洩堵寇帥師入滑

公子士鄭文公子洩堵寇鄭大夫

齊狄盟于邢爲邢謀衛難也於是衛方病邢

乃旦 ○隨以漢東諸侯叛楚冬楚鬪穀於菟帥師伐

隨取成而還君子曰隨之見伐不量力也量力而動

其過鮮矣善敗由已而由人乎哉詩曰豈不夙夜謂行多露詩召南言豈不欲早暮而行懼多露之濡

已以喻違禮而行必有汚辱是亦量宜相時而動之

義穀奴口反於音烏菟音徒鮮息淺反下同召上照反暮本亦作暮音暮汚汚穢之汚一音烏路反

相息亮反○宋襄公欲合諸侯臧文仲聞之曰以欲從人

則可屈已之欲從衆之善以人從欲鮮濟為明

年鹿上盟傳

經二十有一年春秋侵衛無傳為邢故為于偽反下為邾同

宋人齊人楚人盟于鹿上鹿上宋地汝陰有原鹿縣

宋為盟主故在齊人上

夏大旱雩不獲雨故書旱自夏及秋五稼皆不收

雩雩不至不收。正義曰春秋之例旱則修雩雩必為旱而經或書雩或書旱者雩而得雨喜雩有益書雩不書旱雩不得雨則書旱明災成此時雩不獲雨故書旱也周之夏即今之二月三月四月也於時方欲下種此月不雨未能成災而書夏大旱者此後雖得少雨而終是不堪生殖從夏及秋五稼悉皆不收不收之後擇最早之月而書之故書夏大旱也劉炫云大旱而不書饑者傳云是歲也饑而不害故不書饑

秋宋公楚子陳侯蔡侯鄭伯許男曹伯會于孟孟宋

地楚始與中國行會禮故稱爵孟音于執宋公以伐宋

註不言楚執宋公者宋無德而爭盟為諸侯所疾故

總見衆國共執之文

○見賢

冬公伐邾

註

無傳為邾滅須句故

○句其俱反傳同

楚人使宜申來獻捷

註

無傳獻宋捷也不言宋者秋伐

宋冬來獻捷事不異年從可知不稱楚子使來不稱

君命行禮

○獻軒建反捷在接反

十有二月癸丑公會諸侯盟于薄釋宋公

註


諸侯既與

楚共伐宋宋服故為薄盟以釋之公本無會期聞盟

而往故書公會諸侯

○薄如字

註諸侯至諸侯○正義曰諸侯之被執者皆不



書其釋釋而公不與又不告故魯史不得書之此由公往與盟見其得釋故書之耳文七年公會諸侯及大夫盟于扈傳曰公後至故不書所會凡會諸侯不書所會後也後至不書其國辟不敏也此盟亦總言諸侯不書其國似是公之後期故解之魯先不屬楚公本無會期聞盟而往故書公會諸侯非後期也公非後期而總書諸侯者此則會孟之諸侯也一事而再見者前目而後凡自謂前已歷序故後總言耳非為魯公變文也

傳二十一年春宋人為鹿上之盟以求諸侯於楚楚

人許之公子目夷曰小國爭盟禍也宋其亡乎幸而

後敗

註

謂軍敗○夏大旱公欲焚巫尪

註

巫尪女巫

也主祈禱請雨者或以為尪非巫也瘠病之人其面

上向俗謂天哀其病恐雨入其鼻故為之早是以公

欲焚之○厄烏黃反禱丁老反或丁報反瘠在

厄至焚之○正義曰周禮女巫巫職云早曠則舞雩此

以為旱欲焚之故知巫厄女巫也并以巫厄為女巫

則厄是劣弱之稱當以女巫厄弱故稱厄也或以為

厄非巫也巫是禱神之人厄是瘠病之人二者非一

物也厄是病人天恐雨入其鼻俗有此說不出傳記

義或當然故兩解之也檀弓云歲旱穆公召縣子而

問焉曰天久不雨吾欲暴厄而奚若曰天則不雨而

暴人之疾于虐無乃不可與鄭玄云厄者面嚮天覲

天哀而雨之又曰吾欲暴厄而奚若鄭玄云巫主接

神亦覲天哀而雨之彼欲暴人疾而求雨故鄭玄以

為覲天哀而下雨此欲燒殺以求雨故杜以為天哀

之而不雨意異故解異也禮記既言暴厄又別言暴

巫巫厄非一物記言暴人之


疾則厄是病人或說是也

臧文仲曰非旱備也修

城郭貶食省用務穡勸分

○貶彼檢反穡儉也勸分有無相濟

省所景反故為儉也襄二十四年穀梁傳曰五



穀不升謂之大侵大侵之禮君食不兼味臺榭不塗

弛侯廷道不除百官布而不制鬼神禱而不祀曲禮

云歲凶年穀不登君膳不祭肺馬不食穀如此之類

皆是務為儉也務為儉穡而修城郭者服虔云國家

凶荒則無道之國乘而加此其務也巫厄何為天欲

殺之則如勿生若能為旱焚之滋甚公從之是歲也

饑而不害○不傷害民秋諸侯會宋公于孟子魚

曰禍其在此乎君欲已甚其何以堪之於是楚執宋

公以伐宋冬會于薄以釋之子魚曰禍猶未也未足

以懲君註為二十二年戰泓傳○懲直升反任宿須泓烏宏反

句頤與風姓也實司大皞與有濟之祀註司主也大

皞伏義四國伏羲之後故主其祀任今任城縣也頤

與在泰山南武陽縣東北須句在東平須昌縣西北


四國封近於濟故世祀之○任音壬註同頤音專與

風姓大音泰皞胡老反濟子禮反註及下以服事諸

註同義本或作戲許宜反近附近之近夏註與諸夏同服王事○夏戶雅反邾人滅須句須

句子來奔因成風也註須句成風家成風為之言於

公曰崇明祀係小寡周禮也註明祀大皞有濟之祀



係安也○為于偽反蠻夷猾夏周禍也註此邾滅須句而

曰蠻夷昭二十三年叔孫豹曰邾又夷也然則邾雖

曹姓之國迫近諸戎雜用夷禮故極言之猾夏亂諸

夏○猾于八反叔孫豹百毅反按杜註所引是叔孫

婁○婁語今傳本多作豹恐是傳寫誤也宜為婁婁音

救若註此邾至諸夏○正義曰蠻夷猾夏舜典文

反○猾訓為亂故云亂諸夏也此註引昭二十三

年傳當云叔孫婁曰徧檢古若封須句是崇皞濟而

音舒

春秋左傳註疏卷第十四

終

春秋左傳註疏卷第十五

括二十二年
盡二十四年

晉杜氏註

唐孔穎達疏

經二十有二年春公伐邾取須句須句雖別國而削

弱不能自通為魯私屬若顓臾之比魯謂之社稷之

臣故滅奔及反其君皆畧不備書惟書伐邾取須句

○此必疏須句至須句○正義曰上傳云須句于

二反則須句子爵故云雖別國而不能自通為
魯私屬若襄公之世鄆國屬魯
故知如顓臾之比畧不備書也

夏宋公衛侯許男滕子伐鄭